

ma te tahuti ore, e faahuru-ê-hia tatou. 53 E teie nei *tino* tahuti noa, ia riro ei *tino* tahuti ore e tia 'i, o teie nei *tino* pohe noa, ia riro ei *tino* pohe ore e tia 'i. 54 E ua riro ana'e teie nei *tino* tahuti noa ei *tino* tahuti ore, e teie nei *tino* pohe noa ei *tino* pohe ore, ua tupu ia te parau papaihia ra i reira, Ua horomii-roa-hia te pohe i te re i riro ra. 55 E te pohe e, teihea to oe tara? E hade e, teihea to oe re? 56 To te pohe nei tara, o te hara ia; e to te hara nei puai, o te ture ia. 57 E teie nei, ia haamaitaihia te Atua, o tei horoa mai i te re no tatou, no to tatou Fatu ra no Iesu Mesia. 58 E teie nei, e au mau taeae here e, ia itoito outou, eiaha e aueue, ia rahi â te rave i te ohipa a te Fatu ciala e faaea, ua ite hoi outou e, e ere i te mea faufaa ore te ohipa a te Fatu ta outou e rave na.

E turu â i te feia mo'a ra e tia 'i.

16 E TEIE nei, i te parau i te tao'a aufau na te feia mo'a ra, o ta'u â hoi i poroi i te mau ekalesia i Galatia ra, e na reira atoa outou. 2 Ia tae te mahana matamua o te hebedoma ra, e vaiiho a'e outou atoa e ati noa "e i te tahi pae moni i roto i te vaiira ra, ia au i ta te Atua haamanuiaraa ia'na ra, e ia tae atu vau ra, eiaha ei aufauraa i reira. 3 E ia tae atu vau ra, o te au ra ia outou ra, o ta'u ia e tonoma te leta ei hopoi i ta outou tao'a horoa noa i Ierusalem. 4 E o vau atoa te haere e tia 'i, e haere atoa ia ratou e o vau atoa. 5 E haere atu hoi au ia outou na, ia ati a'e na Makedonia ia'u: te haere nei hoi au na Makedonia. 6 E e riro paha vau i te parahi i ô outou, e ia unu noa 'tu te tau vero nei, e ia tae au ia outou i ta'u vahi e haere ra. 7 E ore hoi au e ite tapae noa ia outou i teie nei, te hinaaro nei hoi au ia maoro a'e to'u parahiraa i ô outou na, ia tia i te Fatu ra. 8 E parahi râ vau i Ephesia e ia 'ac i te Penetekose ra. 9 E opani rahi

hoi e te maitai tei iritihia ia'u nei: e rave rahi râ hoi te enemi.

10 Ia tae atu Timoteo ra, e haapao maite outou ia parahi oia i roto ia outou ma te mâtâ'u ore: te rave ra hoi oia i te ohipa a te Fatu, mai ia'u atoa nei. 11 Eiaha roa te hoê taata e ite ino noa 'tu ia'na, e aratai mai râ ia'na i to'na tere ma te hau, ia tae mai oia ia'u nei: te tia' nei hoi au'na e te mau taeae atoa. 12 Area tau taeae nei o Apolo, ua parau maite atu hoi au ia'na ia haere atu oia e te mau taeae atoa ia outou na; aita râ oia i hinaaro i te haere atu i teie nei, e tae atu râ oia ia tae i te mahana e au ai ra. 13 E ara; ia mau papu i te faaroo, e faataata paari outou, e faaitoito. 14 Ia ravehia te mau mea atoa i roto ia outou na ma te aroha.

15 Te a'o atu nei au ia outou, e au mau taeae, (e ite atu outou i te fetii o Setephano ra, o te oho matamua ia ratou i Ahaia na, e ua haamataro ratou i te tauturu i te feia mo'a.) 16 Ia araro maite outou i te reira, e te feia atoa i au mai, tei rave atoa i te ohipa ra. 17 Te oaoa nei au ia Setephano i tae mai, e ia Phoratunato, e ia Ahaiko: no te mea ua tia tei toe ia outou na ia ratou. 18 E ua haamahanahana mai ratou i tau aau e to outou atoa hoi: e teie nei, e ite maitai atu outou i te taata mai te reira te huru.

19 Te aroha 'tu nei te mau ekalesia i Asia nei ia outou. Te rahi nei to Akuila raua o Peresila aroha ia outou i te Fatu nei, e to te ekalesia i roto i to raua ra fare. 20 Te aroha 'tu nei te mau taeae atoa ia outou. E aroha atou outou ia outou iho ma te hô'i mo'a ra. 21 O to'u hoi teie aroha to Paulo, na to'u iho rima i papai. 22 Te taata aore i hinaaro i te Fatu ra ia Iesu Mesia, ia riro oia ei Anatama Mara-nata. 23 Ia vai â te aroha mau o to tatou Fatu ra o Iesu Mesia ia outou na. 24 Ia vai â to'u aroha ia outou atoa i roto i te Mesia ra ia Iesu. Amene.

TE PITI O TE EPISETOLE A TE APOSETOLO RA A PAULO

I TO KORINETIA RA.

E parau haamahanahana i te feia faaroo ia roohiu e te ati ra.

1 PAULO, e aposesitolo na Iesu Mesia i te hinaaro o te Atua ra, e tau taeae nei o Timoteo, i te ekalesia o te Atua i

Korinetia na, e te feia mo'a atoa i Ahaia atoa ra; 2 ei ia outou te aroha mau o te hau no ô mai i te Atua i to tatou Metua ra, e no te Fatu hoi no Iesu Mesia.

3 Ia haamaitaihia te Atua, te Metua

o to tatou Fatu ra o Iesu Mesia, te tumu o te aroha e o te Atua no'na ana'e te mahanahana; 4 o tei haamahana-hana mai ia matou i to matou mau pohe atoa nei, ia tia ia matou ia haamahana-hana i te feia i roohia i te pohe ra, i te mahanahana a te Atua i mahanahana 'i matou iho nei. 5 Mai to matou hoi pohe i te Mesia e rahi nei, te rahi atoa nei, to matou mahanahana i te Mesia. 6 E ia pohe matou nei, ei mahanahana ia e ei ora no outou, o tei tupu i te faaoromai-maite-raa i taua mau pohe i pohe atoa 'i matou nei; e ia haamahana-hana mai matou, ei mahanahana ia e ei ora no outou. 7 E te papu nei to matou mana'o ia outou, na ite matou e rave atoa outou i te mahanahana o outou i rave atoa i te pohe nei. 8 Aita hoi matou i hinaaro, e te nau taeae, e ia ore outou ia ite i to matou pohe a roohia mai ai matou i Asia ra, e i neia-hua-hia matou aita 'tura o matou puai, e aita roa matou i mana'o e e ora: 9 e mana'o pohe to matou i roto ia matou iho, ia ore matou ia tiatiri ia matou iho, i te Atua ra i tei faatia i tei pohe ra: 10 o tei faaora ia matou i taua pohe rahi ra, e te faaora noa nei a hoi; o ta matou hoi e tiatiri nei e na'na e faaora ia matou. 11 O outou hoi i te ohipa-atoa-raa i te pure ia matou, ia haamaitai te taata atoa e rave rahi i te Atua ia matou, i te maitai i noaa ia matou i te taata atoa e rave rahi ra.

12 Teie hoi to matou oaoaraa, te ite o to matou aau, e ma te rotahi o te aau e te haavare ore i te Atua, e ere to te paari o te tino, no te maitai ra a te Atua, ta matou haapaoraa i teie nei ao, e e rahi atu a ia outou. 13 Aita hoi a matou parau e e ia papai atu ia outou na, o ta outou a hoi e taio na, e ta outou i faatia na; e te mana'o nei au e faatia ia outou e tae noa 'tu i te hopea ra: 14 ua faatia e tahi pae o outou ia matou nei, e o matou hoi to outou oaoaraa, mai ia outou atoa hoi e riro ei oaoaraa no matou ia tae i te mahana o te Fatu ra o Iesu.

15 E no taua ite nei i hinaaro ai au i te haere atu ia outou na i mutaa iho, ia tapiti atu i to outou maitai; 16 e ia na o na 'tu vau ia outou i te haere i Makedonia, e mai Makedonia, ia ho'i mai a ia outou na, e ia arataihia vau e outou i tau tere i Iudea ra. 17 E taua opuaraa hoi na'u ra, e parau mamâ anei ta'u? e te mau mea ta'u e opua nei, i opua anei au i tei au i te tino ra, a riro ai ta'u ei oia, oia, e aore, aore? 18 E parau mau ra ta te Atua ra, e ere ia ta matou parau i parau atu ia outou na i te oia e te aore. 19 Aore hoi te Tamaiti a te Atua ra, o Iesu Mesia, i

parau-haere-hia e matou, o vau e Siluano e Timoteo i o outou na, i te oia e te aore, tei ia'na ra te oia. 20 Te mau mea atoa a te Atua i parau mai, e oia ana'e ia i roto ia'na, e Amene hoi i roto ia'na, ia maitai te Atua ia matou nei. 21 O te Atua hoi tei haapapu ia matou e ia outou atoa i roto i te Mesia ra, e o tei faatahinu hoi ia tatou nei: 22 oia hoi tei tapao mai ia tatou, e ua horoa mai i te tarahu ra i te Varua i roto i to tatou aau. 23 E teie nei, e parau atu vau i te Atua ei ite i tau varua nei, e i faaherehere au ia outou i ore au i tae vave atu ai i Korinetia na. 24 E ere ra mai te mea e o matou te fatu o to outou faaroo, ei tanturu ra matou i to outou oaoa; e mau faaroo hoi to outou.

Te faaite atura Paulo i te mea i ore ai oia i tae vave atu ai ia ratou ra.

2 I FAAAU ra vau i ta'u parau, e eiaha vau e haere faahou atu ia outou na ma te oto. 2 Ia faaoto atu hoi au ia outou ra, na vai hoi e faaoaoa mai ia'u, ia ore tei faaotohia 'tu e au ra? 3 No reira vau i papai atu ai i te parau ia outou, e ia tae atu vau ra ia ore au ia oto i te feia e au ia ratou ia faaoaoa mai ia'u ra; ua ite hoi au ia outou atoa na, e o ta'u e oaoa ra o ta outou atoa ia oaoa. 4 I papai hoi au i te parau ia outou ma te pohe rahi e te mauui rahi aau, e ma te roimata rahi hoi; e ere ra e ei faaotoraa 'tu ia outou, ia ite ra outou i te rahi o to'u nei aroha ia outou na. 5 E ua faatupu te ho'e taata i te oto ra, e ere o vau ana'e ta'na i faaoto ra, o te tahi pae atoa o outou na; eiaha hoi au ia pari paatoa ia outou. 6 Atira na taua pohe i tuuhia 'tu e te taata e rave rahi i taua taata ra. 7 E teie nei, e faaore atu outou i ta'na hara, e te haamahana-hana 'tu e tia 'i, o te horomii-noa-hia taua taata ra e te oto rahi. 8 E teie nei, teie ta'u parau ia outou, e faaite papu atu outou i to outou aroha ia'na. 9 I papai atu ai hoi au i te parau ia outou, ia ite au i to outou faaroo i te mau parau atoa nei. 10 O ta outou e faaore i te hara ra, e faaore atoa hoi au; e i faaore na vau i te hara ra, o ta'u i faaore na, no outou ia i faaore ai au i te i'oa o te Mesia nei: 11 o te noaa mai hoi ta Satani vahi ia tatou; e ere hoi tatou i te ite ore i ta'na mau ravea.

12 Ia'u hoi i haere i Teroa e haapii i te evanelia o te Mesia ra, a iriti ai te Fatu i te opani ia'u ra, 13 aita roa tau aau i mahu, no te mea aita tau taeae o Tito i itea 'tu e au: poroi ihora vau ia ratou, reva 'tura vau i Makedonia. 14 Ia haamaitahia ra te Atua, o tei faaoaoa mai ia matou i te Mesia aore e faaea, o tei faaite haere hoi i te hau'a i

te ite ia'na ia matou nei e aore e vahitoe. 15 Ua riro hoi matou i te Atua ei hau'a no'ano'a no te Mesia, i te feia faaorahia e te feia e pohe: 16 i te tahi pae rā, e hau'a pohe ia matou e tae noa 'tu i te pohe; urea i te tahi pae, e hau'a ora ia matou e tae noa 'tu i te ora: e o vai hoi te au i teie nei parau? 17 E ere hoi matou mai te hoē pae e anoi i te parau a te Atua ra, te parau nei rā matou i te parau a te Mesia, no ō mai i te Atua ra, ma te haavare ore, e i mua hoi i te aro o te Atua.

Te haamaitai nei Paulo i to'na toroa, i te tuuraa i te evanelia ra.

3 E HAAMAITAI faahou anei matou ia matou iho? e ei episetole haamaitai anei ta matou ia matou iho ia outou na, mai ta te hoē pae au ra, e tia 'i, e te episetole haamaitai ia matou no ō na mai ia outou na? 2 O outou hoi ta matou episetole, i papaihia i roto i to matou aau, ua itea e na taiohia e te taata atoa. 3 Ua faaite-papu-hia hoi outou e o te episetole ia a te Mesia, i ohipahia e matou, aita rā i papaihia i te inita, na te Varua rā o te Atua ora ra; eiaha i nia i te pāpā ofai, ei nia rā i te pāpā taata ra i te aau.

4 O te huru ia o to matou mana'o i te Atua i noaa i te Mesia ra. 5 E ere rā nui te mea e e au ia matou iho ia mana'o e, e tia te hoē mea iti ia matou ana'e iho, no ō mai rā i te Atua ra to matou tia; 6 o tei faariro atoa ia matou ei orometua itoitō i te faufaa api nei; eiaha i te parau papai ana'e ra, i te varua atoa rā; e pohe hoi tei te parau papai ra, e ora rā tei te varua. 7 E hanahana hoi to te tuuraa i te parau pohe i ootihia i nia i te ofai ra, e aita 'tura e tia i te tamarii a Isaraela ia hi'o tamau atu i te mata o Mose, i te anaana o to'na mata; e faaorehia ra taua anaana ra; 8 e ore na anei e rahi atu te hanahana i te tuuraa mai i te parau a te varua ra; 9 E hanahana hoi to te tuuraa mai i te parau faahapa ra, e hanahana rahi atu ia to te tuuraa mai i te parau-tia ra. 10 E taua mea hanahana rā hoi, aita 'tura ia i hanahana ia faaauhia ra, no taua hanahana rahi i hau ē ra. 11 E hanahana hoi to taua mea e faaorehia ra, e rahi atu ia te hanahana i to te vai ā.

12 E teie nei, e faairaa to matou mai te reira te huru, te parau papu hua nei matou: 13 e ere hoi mai ia Mose o tei paruru i to'na mata, ia ore te tamarii a Isaraela ia hi'o papu i te hopea o taua mea e faaorehia ra: 14 ua haapourihia rā to ratou aau: te vai noa ra taua paruru ra e tae noa a'enei i teie nei mahana i te taioara i te faufaa tahito; ua faaorehia hoi te reira i te Mesia nei.

15 Te vai noa rā te paruru i to ratou aau, ia taiohia Mose ra, e tae roa a'enei i teie nei mahana. 16 Ia fariu rā te taata i te Fatu ra, e iriti-ē-hia ia taua paruru ra. 17 E teie nei, o te Fatu taua va'ua ra, e tei ia'na te Varua o te Fatu ra, tei reira te tiamā. 18 Te hi'o atoa nei tatou i te maitai o te Fatu ma te mata paruru ore ra, mai te mea e tei roto i te hi'o'na, te faahuru-ē-hia nei tatou ei hoho'a hoē, mai te maitai hoē e tae noa 'tu i te maitai, i te Varua o te Fatu ra.

Te faaite nei Paulo i to'na haavare ore, e te itoitō i te haapirua i te evanelia ra.

4 E TEIE nei, tei ia matou mai nei teie nei toroa, e o matou hoi i arohahia mai, aita 'tura matou i' rohirohi. 2 Ua faarue rā matou i te peu rii moe haama ra, e ere hoi to matou i te haerea paari, aore hoi i haavare i te raverava i te parau a te Atua, te haamaitai nei rā matou ia matou iho i te aau o te taata atoa i te faaiteraa 'tu i te parau mau i mua i te aro o te Atua. 3 E teie nei, te paruru-atoa-hia nei ta matou evanelia, i paruruhia ia i te feia e pohe ra; 4 oia te feia i haapourihia to ratou aau faaroo ore e te atua o teie nei no ra, ia ore te maramarama o te evanelia hanahana o te Mesia, o te hoho'a o te Atua ra, ia anaana mai i roto ia ratou. 5 Aore hoi matou i parau haere ia matou iho, i te Mesia rā ia Iesu i te Fatu; e o matou iho nei, ei tavini ia no outou ia Iesu ra. 6 O te Atua hoi o tei faaue i te maramarama ia anaana mai no roto i te pouira, o tei anaana mai ia i roto i te tatou aau, ia noaa te maramarama ra o te ite i te hanahana o te Atua i te mata o Iesu Mesia ra.

7 Te farii nei rā matou i taua tao'a nei i te farii repo nei, ia riro te mana rahi maitai ra i te Atua, eiaha ia matou. 8 Ua ati matou i te pohe, aita rā i apiapi; ua peapea matou, aita rā i alo-aho: 9 ua hamani-ino-hia, aita rā i faarue-roa-hia: ua hurihia i raro, aita rā i pohe roa; 10 i te hopoi-haere-raa i te pohe o te Fatu ra o Iesu i to matou nei tino aore e faaea, ia iten-atoa-hia te orara o Iesu i to matou nei tino. 11 E no Iesu nei hoi, te tuu-noa-hia nei ā matou e ora nei no te pohe, aita e faaea, ia itea to Iesu ra orara i to matou nei mau tino pohe noa. 12 E teie nei, o te pohe tei tupu ia matou nei, o te ora rā tei tupu ia outou na. 13 No te mea rā tei ia matou atoa taua aau faaroo ra mai tei papaihia rā e, Ua faaroo vau, no reira vau i parau ai; ua faaroo atoa matou i parau ai matou nei; 14 ua ite hoi matou e na tei fantia i te Fatu ra ia Iesu, e fantia atoa mai ia matou i te rima o Iesu, a pūpū atu ai ia matou e ia outou

atoa. 15 No outou hoi te mau mea atoa nei, ia maitai te Atua i taua hamani maitai rahi manii noa ra, i te haamaitai a te taata e rave rahi ra. 16 I ore ai matou i taiâ i; pohe noâ hoi te taata i rapa'e au nei, te faahouhia nei te taata i roto i tera mahana, i tera mahana. 17 To tatou hoi pohe iti potu māmā i teie nei, te faatupusnei ia i te ora rahi roa teimaha e te mure ore no tatou. 18 Tatou hoi e haapao nei, eiaha i te mau mea hi'ohia ra, i te mau mea hi'o-ore-hia rā: o te mau mea e hi'ohia nei hoi, no vaivai a'e ia; area te mau mea hi'o-ore-hia ra, e tia mau ā ia i te vairaa.

No te mea te mana'o ra Paulo i te ora mure ore, e te haavaraa rahi ra, i tatau ai oia ia itehia mai oia e te Mesia.

5 UA ite hoi tatou e ia tuchia to tatou fare repo tiahapa nei i raro, e fare to tatou i te Atua ra, e fare hamani-ore-hia e te rima, e te vairaa mure ore i te ra'i ra. 2 Te uuru nei hoi tatou i teie, ma te hinaaro rahi ia tomo ma te parahi mau atu i to tatou fare ra'i ra. 3 E ua ô ana'e i roto ra, eita taata e ere i reira. 4 Tatou hoi e parahi i roto i teie nei tiahapa, te uuru nei ia i te teimaha, e ere ra no te mea te hinaaro nei tatou i te haere i rapae au, ia tomo mau rā i roto, ia horomiihia te mea pohe noa nei e te ora. 5 O tei faaau ia tatou i taua mea nei, o te Atua ia, o tei horoa atoa mai ia tatou nei i te tapao ra o te Varna. 6 Itoito ai matou nei aore e faaea, ua ite hoi matou e, te parahi nei matou i roto i te tino, te taa ē nei ia matou i te Fatu. 7 (E haerea faaroo hoi to matou, e ere i te haerea ite mata:) 8 te itoito nei matou, e ua tia ia matou ia taa s'atu i te tino nei; e ia parahi i pihai iho i te Fatu. 9 E teie nei, te tatau maitai nei matou, e ei ô nei ra, ei reira ia, e ia taa s'atu, ei reira ia, ia itehia mai ā matou e ana. 10 E ia paatoa 'tu hoi tatou i mua i te haavaraa a te Mesia; ia rave te taata atoa e ati noa "e i te utua e au i te mau mea i ravehia e ana i roto i te tino nei, te maitai e te ino.

11 E teie nei, no te mea ua ite matou i te hanahana o te Fatu ra, i a'o atu ai matou nei i te taata; ua itehia rā matou e te Atua; e te mana'o nei au ua itea-atua-hia e to outou au. 12 Aita rā matou e haamaitai faahou ia matou iho ia outou na, ia noaa rā to outou cacaraa ia matou nei, ei parauraa 'tu na outou i te feia i teoteo i te huru i rapa'e au a'o aore i te auu ra. 13 Te huru ē nei matou ra, no te Atua ia; e te haapao nei matou, no outou ia. 14 Te riro nei hoi matou i te aroha o te Mesia ra, no te mea te parau nei matou e, i pohe te hoē no te tuata atoa, e pohe to te tuata atoa

i reira; 15 e i pohe hoi oia no te taata atoa, ia ore te feia e ora ra ia haapao faahou ia ratou iho i te oraraa nei, ia haapao rā ia'na, tei pohe e tei tia faahou no ratou ra. 16 E teie nei, e ore atura matou e haapao noa 'tu i te taata i te haapaoraa o te tino nei; e ua haapao matou i te Mesia i te haapaoraa o te tino ra, teie nei ra e ore matou e haapao faahou ia'na i reira. 17 Tei roto ana'e to taata i te Mesia ra, ua riro ia ei taata api; ua ore te mau mea tahito ra; inaha, ua riro te mau mea atoa ei mea api. 18 Na te Atua ra taua mau mea atoa ra, o tei faafaite ia tatou ia'na iho ia Iesu Mesia nei, e ua tuu mai hoi ia matou i te toroa faafaite nei; 19 teie hoi taua parau ra, ei roto te Atua i te Mesia i te faafaitearaa i to te ao nei ia'na iho, e te huri ore atu i ta ratou hāra ia ratou; e ua tuu mai hoi i te parau faafaite ra ia matou nei. 20 E teie nei, e vea matou na te Mesia mai te mea e, te a'o nei te Atua i te taata ia matou nei; ei ono matou i te Mesia, i te a'oraa 'tu i te taata e, E faafaite outou i te Atua. 21 Ua faariro hoi oia ia'na, i tei ore i ite i te hāra ra, ei tarahara na tatou; ia faarirohia tatou ei feia parau-tia i te aro o te Atua ia'na ra.

Te faaite ra Paulo i to'na tho Uoito, e te a'o ra ia ratou eiaha e amui i te haamori idolo.

6 E TEIE nei te a'o atoa 'tu nei matou, te rave ohipa amui nei, ia outou, e eiaha outou e farii faufaa ore noa i te aroha mau o te Atua ra; 2 (te parau ra hoi oia e, Ua faaroo vau ia oe i te anota'u au ra, e ua turu atu vau ia oe i te mahana faaoraraa ra: e inaha, teie taua anota'u au ra; inaha, teie taua mahana faaoraraa ra.) 3 Aore roa i tuu i te turoriraa i te taata atoa, ia ore ia faainohia te toroa nei: 4 te faaite hua nei rā matou ia matou iho e rave ohipa na te Atua i te mau mea atoa nei, i te faaoromai rahi, e te pohe, e te apifapi, e te ahoaho, 5 i te papai, e te tapea, e te auē, e te ohipa, e te ara, e te haapaerna maa: 6 i te viivii ore, e te ite, e te haamahūraa roa, e te hamani maitai, e te Varna Maitai, e te aroha haavare ore, 7 i te parau mau, e te mana o te Atua, e te mauhaa ra o te parau-tia i te rima atu e te rima au; 8 i te teitei, e te haehan, i te roo ino, e te roo maitai: ghai te feia haavare ra, e feia parau mau rā; 9 mai te mea e aore i itea, ua itea-papu-hia rā; mai te mea e te pohe nei, e inaha, te ora noa nei ā matou: ua a'ohia mai, aita rā i tapirahii-pohe-roa-hia: 10 mai te mea e to oto nei, aita rā e faaea i te caon; mai te mea e e veve, te faariro nei rā i te taata e rave rahi ei taata tuo'a; mai te mea e aita roa e faufaa, tei ia matou rā te mau mea atoa nei. 11 E to Kori-

netia e! te parau hua 'tu nei to matou valia ia outou, ua mahora noa to matou aau. 12 Aore outou i apiapi ia matou, ua apiapi rā outou i roto i to outou iho aau. 13 E-na reira atoa mā ia matou, (te parau atu nei au mai te mea e e tamarii outou na'u) ia mahora atoa hoi outou. 14 Eiaha outou ia amui-au-ore-lia i te feia faaroo ore ra: eaha to te parau-tia auraa i te parau-tia ore? e eaha to te maramarama auraa i te pouri? 15 E eaha to te Mesia auraa ia Beliala? e eaha to te taata faaroo ra faufaa i te taata faaroo ore? 16 E eaha to te hiero o te Atua ra atiraa 'tu i te idolo? o te hiero hoi outou o te Atua ora rā; ta te Atua i parau maira e, E parahi mau vau i roto ia ratou, e hahaeere au i roto ia ratou; e ei Atua vau no ratou, e ei taata hoi ratou no'u. 17 E teie nei, te na ô maira Iehova, E haere mai outou i rapa'e au mai roto mai ia ratou ra, ia taa ê outou, e eiaha e rave noa 'tu i te mea viivii ra; e na'u e farii atu ia outou, 18 e ei metua vau no outou, e ei tamarii tamaroa outou na'u e ei tamarii tamahine, te parau maira Iehova tei tia ia'na te mau mea atoa ra.

Te a'o ra Paulo ia ratou ia faarue i te mau parau iho atoa.

7 E TEIE nei, e au man here e, tei ia tatou taua mau maitai i parauhia maira, e tamā hua tatou ia tatou iho i te mau viivii atoa o te tino e te varua, ma te faatupu hua i te maitai i te mātā'uraa 'tu i te Atua. 2 A farii mai ia matou; aore roa a matou taata i hamani ino, aore roa a matou taata i faaino, aore roa a matou taata i haavare. 3 E ere rā e ei faahapa ia outou i parau atu ai au ia outou i teie nei parau, ua parau hoi au i mutaa iho, e tei roto outou i to matou aau i te pohe-atua-raa e te ora-atua-raa 'tu. 4 Te papu hua nei ta'u parau ia outou, e arue rahi ta'u ia outou; ua rahi to'u mahanahana, ua rahi roa to'u caoa i to matou mau pohe atoa nei.

5 Ia matou hoi i tae i Makedonia ra, aita roa e faaeeraa o to matou tino, ua ati matou i te pohe; tama'iraa to rapa'e au, e mātā'u hoi to roto. 6 Na te Atua rā, o te haamahanahana i te feia haehaa ra, i haamahanahana mai ia matou i te haerea mai o Tito ra; 7 e ere hoi no to'na haerea mai ana'e ra, i te mahanahana rā i mahanahana ai oia ia outou, a faaite mai ai oia iā matou i te rahi o to outou hinaaro, e to outou oto, e te ananatae o to outou aau ia'u nei; i rahi ai to'u caoa. 8 I faaoto na vau ia outou i tau leta na, aore au i tatarahapa i teie nei, i tatarahapa ra vau i mutaa iho: te ite nei hoi au e, hoē o outou hora i te otora i tau leta na'u ra. 9 Te oaoa nei au, e ere rā no te mea i faaotolia

outou, no te mea rā i oto outou ma te tatarahapa: i au hoi to outou oto i te Atua ia ore roa outou ia ino ia matou. 10 O te oto hoi e au i te Atua ra e faatupu ia i te tatarahapa e tae noa 'tu i te ora, eiaha e tatarahapahia; area te oto o teie nei ao, e faatupu ia i te pohe. 11 A hi'o na hoi i taua mea nei ā, i te mea i au to outou oto i te Atua ra, o te haapao maitai hoi i te reira i faatupu i roto ia outou na, e te faatia ia outou iho, e te inoino, e te mātā'u, e te hinaaro u'ana, e te itoitoe, e te tahoo. Ua faaite hua mai outou e, aita o outou viivii i taua mea nei. 12 E teie nei, i papai noa vau i te parau-ia-outou, e ere hua i to taua taata i rave i te ino ra i na reira 'i au, e ere atoa i tei hamani-ino-hia ra, ei faaiteeraa 'tu rā ia outou i to matou haapao-maitai-raa 'tu ia outou, i mua i te aro o te Atua ra. 13 I mahanahana 'i hoi matou i to outou na mahanahana: e rahi roa 'tura hoi to matou caoa i te caoa o Tito ra, no te mea ua maururu to'na aau ia outou atoa. 14 Ua arue hoi au ia outou ia'na ra, aore au i haama; mai ia matou ā hoi i parau atu ia outou i te mau parau atoa ma te parau mau, oia atoa ta matou arueraa i te aro o Tito ra, ua riro ia ei parau mau. 15 E te rahi roa nei to'na oto aau ia outou; i te mana'oraa oia i to outou atoa na faaroo, e to outou hoi iteraa mai ia'na ma te mātā'u e te rurutaina. 16 E teie nei, te oaoa nei au, i to mea e tia ia mana'o maitai atu vau ia outou i te mau mea atoa nei.

E aufau ratou i te tao'a ei tauturu i te taata no te Atua e tia 'i.

8 E TEIE nei, e au mau taeae, e faaite atu matou ia outou i te maitai a te Atua i horoahia mai i te mau ekalesia i Makedonia nei; 2 e ua manii noa to ratou caoa, i rahi noa 'i to ratou veve e te pohe rahi, i te rahi o to ratou hora: 3 o vau hoi te ite, e o ratou iho tei hinaaro i te hora i tei tia ia ratou ra, e e rahi atu ā; 4 e te parau-onono-raa mai ia matou e rave i taua tao'a ra, e ei ia matou atoa te tuu atu i taua tao'a ra i te feia mo'a ra. 5 E ere rā mai ta matou i mana'o ra, ua na mua rā ratou i te hora ia ratou iho i te Fatu ra, e ia matou atoa hoi ei haapao i te hinaaro o te Atua ra. 6 I a'o atu ai hoi matou ia Tito, e mai ta'na i haamata i mutaa ihora, ia rave faaoti hua oia i taua maitai nei i roto ia outou na. 7 E teie nei, te vai hua na te mau mea atoa nei ia outou na, i te faaroo rā, i te parau ra, i te ite ra, e te itoitoe rahi ra, e to outou aroha rahi ia matou nei, e rahi ia rahi atoa teie nei maitai i roto ia outou. 8 E ere rā ta'u i te parau faaue, no te itoitoe rā o te tahi pae ra, e ei tamataraa 'tu i

te haavare ore o to outou hinaaro. 9 Ua ite, hoi outou i te aroha mau o to tatou Fatu ra o Iesu Mesia, e o tao'a rahi ta'na, no outou ra riro mai nei oia ei veve, ia rahi ta outou tao'a i taua veve no'na ra. 10 Teie hoi to'u mana'o i taua mea nei: teie te mea tia ia outou, i te feia i haamata i mutaa, iho i te rave, e ere hoi te reira ana'e ra, ua ru ra outou mai te tahi matahiti mai a. 11 E teie nei, e faahope hua i te rave i taua mea ra; mai te opuaraa i tia ra, ia tupu atoa hoi te rave hua, no roto i ta outou tao'a i noaa na. 12 Te vai ra hoi te tia i te aau, e faariiha ia i ta te taata i noaa eiaha i tel ore i noaa ia'na ra. 13 Eiaha hoi ia mamā te tahi pae e ia teimaha outou: 14 ia faito rā, ia riro ta outou tao'a rahi ei turu atu i to ratou veve i teie nei, e ia turn mai ratou ia outou i ta ratou tao'a rahi i to'na tu mahana, ia faito. 15 Mai tei papaihia ra e, O tei noaa te mea rahi ra aita ta'na i rahi, e tei noaa te mea iti ra aita ta'na i iti.

16 E teie nei, ia haamaitaihia te Atua, o tei tuu atoa i taua itoitō nei i roto i te aau o Tito ia outou na. 17 Ua farii ā hoi oia i ta'u nei a'o, no te rahi rā o to'na iho itoitō, reva noa tu na ia outou na. 18 E ua tono atoa tu matou i taua taeeae i aruehia i te evanelia nei e ati noa e te mau ekalesia atoa ra: 19 e ere hoi o to reira ana'e ra, o tei haapao-atohia rā e te mau ekalesia, ia haere oia o o matou atoa ma taua tao'a horoa noa i tuhia e matou nei, ia haamaitaihia te Fatu iho, e ei faaite i te tia o to outou aau. 20 Te ara nei hoi matou i teie, ia ore roa te hōē ia fanino mai ia matou i taua tao'a rahi i tuhia tu e matou nei: 21 i te haapao-atea-maite-raa i te mea tia, eiaha i mua i te aro o te Fatu ana'e ra, i mua atoa rā i te aro o te taata. 22 E ua tono atoa tu matou i to matou taeeae, e rave rahi to matou iterna i to'na itoitō i te mau mea e rave rahi, e rahi atu rā te itoitō i teie nei, i to'na mana'o maitai rahi ia outou. 23 Ia Tito ra, o to'u ia hōa e te tauturu ia'u ia outou na; o to matou mau taeeae ra, e vea ia na te mau ekalesia, e te maitai o te Mesia ra. 24 E teie nei, e faaite mai i to outou aroha, e te tiarua o ta matou arue ia outou, i mua i to ratou ara, e i mua i te aro o te mau ekalesia ra.

Te mea i tono atu ai Paulo ia Tito ma, e ia rahi to ratou horoa e tia 'i.

9 I TE parau i te auhau i te tao'a na to feia mo'a ra, eiaha noa tu vau e papai atu i te parau ia outou i reira. 2 Ua ite hoi au i te tia o to outou aau, i arue ai au ia outou i to Makedonia ra, o ua incino Ahia mai te tahi matahiti mai ā, e rave rahi tei annanatae i taua itoitō no outou na. 3 Ua tono

atu rā vau i te mau taeeae, o te riro ta matou arueraa ia outou i taua mea nei ei mea faufaa ore, ia incine ā outou mai ta'u hoi i parau a'enei. 4 O te haere atoa tu to Makedonia nei ia haere atu vau ra, o te roohia tu aita outou i incine, o te haama hoi matou, (eiaha tu outou,) i taua arueraa papu nei. 5 I mana'o ai hoi au e mea tia ia a'o atu i te mau taeeae, e e na muā ratou i te haere ia outou, e faatia atea noa i taua tao'a horoa noa na outou i parabuhia i mutaa ihoro, ia taa maite taua tao'a ra ei mea horoa noa, eiaha mai te mea titauhia tu.

6 Teie rā tu'u parau, O te uene ma te faaherehere ra, e ooti ia ma te iti; e o te ueue ma te faaherehere ore ra, e ooti ia ma te rahi. 7 E horoa te taata atoa i ta'na i opua i roto i to'na aau; eiaha ma te nounou, e mai te mea e no te titau: o te taata horoa noa hei ta te Atua e hinaaro. 8 E tia hoi i te Atua ia faarahi roa tu i te mau maitai atoa na outou; ia ore outou ia faaea i te rave i te mau ohipa maitatai atoa ra, i te mea te rahi ra te mau mea atoa ra ia outou. 9 (Mai tei papaihia ra e, Ua faaani oia, ua hopoi atu na te taata rii; e tia tana parau-tia i te vai-maite-raa. 10 E teie nei, o tei tuu mai i te huero na te uene ra, e te maa ei maa, ia tuu mai ia e ia faarahi hoi i ta outou huero i ueuehia ra, e ia faarahi hoi i te huturaa o ta outou parau-tia ra.) 11 Ia rahi te mau mea atoa nei ia outou, no te mau horoaraa atoa, o tei faatupu ia i te haamaitai i te Atua ia matou nei. 12 Ua faaihia hoi te vahie toe i te feia mo'a, i te raverāa i taua ohipa auhau nei, e ere rā o te reira ana'e ra, ua manii noa rā i te rahi i te haamaitai i te Atua. 13 Te haamaitai ra ratou i te Atua, i to outou auraro-maite-raa i te evanelia o te Mesia i mauhia e outou na, e to outou horoa ia ratou, e te taata atoa hoi, teie nei ohipa auhau to ratou ite; 14 ma te pure hoi ratou ia outou, e te popou rahi ia outou no te rahi o te maitai a te Atua i roto ia outou na. 15 E teie nei, ia haamaitaihia te Atua i to'na ra horoa eia e tia ia parau ra.

Te faatia nei Paulo ia'na iho, i te feia i Juaino mai.

10 E TEIE nei, o vau iho teie o Paulo e a'o atu ia outou i te mārū o te aroha o te Mesia, te huru haehaa to'u i rapae au a'e i roto ia outou na, te itoitō nei rā vau ia outou ia'u i tau ā nei. 2 Teie rā ta'u parau, eiaha vau ia faaitoitō ia tuu atu vau i pihai iho ia outou, i te itoitō ta'u e mana'o nei i te tahi pae na, o tei mana'o ia matou e te au nei ia matou hueraa i ta te tino

ra. 3 Tei roto ā hoi to matou haerea i te tino, aita rā matou i tama'i mai ta te tino ra: 4 e ere hoi ta matou nei mauhaa tama'i i ta te tino, e mauhaa puai rahi rā i te Atua, i te huriraa i te mau pare i raro. 5 I te huriraa 'tu i te feruri teoteo ra i raro, e te mau mea teitei atoa tei faateitei ia ore ia noaa to ite i te Atua, e te faatitiraa 'tu i te mau mana'otoa i te faaroo i te Mesia ra. 6 Te ineine nei matou i te tahoo atu i te mau faaroo ore atoa, ia tia roa to outou faaroo.

7 Te hi'o na outou i te huru i rapae au a'e? te mana'o ra te hoē taata i roto ia'na iho e no te Mesia oia, e haamana'o atoa oia i roto ia'na iho, e mai ia'na no te Mesia ra, no te Mesia atoa matou. 8 Ia rahi noa 'tu ā to'u arue i to matou mana i horoahia mai e te Fatu ia maitai outou, e ere rā ia pohe outou, e ore ā vau e haama. 9 Eiaha rā vau e na reira, o te riro vau mai te mea e hinaaro haamāta'u to'u ia outou i ta'u nei tau episetole. 10 Te parau na hoi ratou e, e mea teimaha ta'na episetole e te u'aua, area te hurn o to'na tino, sore ia itoito, e te re'o vaha-vaha. 11 E haamana'o rā tei na reira ra, e to matou huru i te parau i te episetole ia taa ē matou ra, e to matou atoa ia huru mau ia tae i pihai ihora. 12 Eita hoi matou e tia ia faafaito, e ia faaan atoa ia matou iho i te feia i haamaitai ia ratou ihora: o ratou rā i te faafaitoraa ratou ia ratou iho, e te faaauraa ratou ia ratou iho, sore ia i ite. 13 Eita rā matou e arue i to rapae au mai i ta matou tapao, o tei au rā i te faito i tapaohia e te Atua no matou nei, e tapao ra ia tae roa 'tu matou ia outou na. 14 Aore hoi matou i faaine i rapae au mai i te tapao, mai te mea aore i tae atu ia outou na, ua tae atoa 'tu rā matou ia outou i te paraurau i te evanelia o te Mesia. 15 Aore hoi matou i arue i to rapae au mai i ta matou tapao, oia hoi o ta vetahi ē ra ohipa, te tiai nei rā matou e ia rahi to outou faaroo, ē faarahihia mai ia matou e outou i reira i ta matou nei tapao, e ia rahi atu ā, 16 ia parau haere ā i te evanelia i te mau fenua i pihai roa 'tu ia outou na, e eiala ia arue i ta te tahi taata ē ra tapao, i tei nehenehe oti na. 17 O tei arue rā, ia arue oia, i te Fatu. 18 E ere hoi o tei haamaitai ia'na iho tei itehia mai, o ta te Fatu rā i haamaitai.

Te faaito ra Paulo i ta'na ohipa, e to'na mau pohe, e te tupuraa o te parau a te Atua ia'na.

11 AHIRI outou e faaoromai iti noa mai ia'u nei i ta'u nei parau faahaaha maua noa nei; oia in, e faaoromai mai ia outou ia'u. 2 Te mana'ona'o nei au ia outou i te mana'ona'o Atua;

ua momo'ahia outou e au i te tane hoē, ia pūpū atu vau ia outou ei paretēnia viivii ore i te Mesia ra. 3 Te mātā'u nei rā vau, o te faainohia to outou au ia ore atu te rotahi noa e au i te Mesia nei, mai ta te ophi i haavare atu ia Eva i to'na ra paari. 4 Te parau ra taua taata i haere maira i te tahi Iesu ē, o tei ore i paruhia e matou ra, e te farii na outou i te tahi vaua ē, o tei ore i fariihia e outou ra, e te tahi evanelia aore i mauhia e outou, faaoromai tia outou ia'na. 5 Te mana'o nei hoi au e, aore roa vau i iti i te mau aposetolo rarahi atoa ra. 6 Te maua ra vau i te parau, eita rā vau e maua i te ite; ua itea-hua-hia rā matou i rotopy ia outou i taua mau mea atoa nei. 7 Ua hapa anei au i te faahaahaaraa ia'u iho, ia teitei outou; o vau i parau noa 'tu i te evanelia o te Atua ia outou na? 8 Ua pau hoi vetahi mau ekalesia ia'u i te raverava vau i te utua, ia tia ia'u ia rave i ta outou ohipa. 9 Ia'u hoi i parahi i o outou na a ati ai au ra, aore roa te hoē taata i teimaha ia'u, na te mau tacae rā no Makedonia mai i turu mai ia'u i taua ati no'u ra, ua ara maite au ia'u iho aita i faaca ia ore outou ia teimaha ia'u, e e ara vau ia'u iho. 10 Tei roto ia'u nei te parau mau a te Mesia ra, eita roa e ore teie nei arue ia'u nei, e ati noa 'e Ahaia atoa ra. 11 Eaha e ore ai? no te mea aore au e aroha ia outou? e ere, ua ite hoi te Atua. 12 O ta'u rā e rave nei, e rave ā vau ei faaore atu i te ravaa a te feia i imi i te ravaa, ia riro ratou mai ia matou atoa nei i taua mea ta ratou e arue ra. 13 E aposetolo haavare hoi te reira, e rave ohipa haavare ia, i te faahua-aposetolo-raa na te Mesia ia ratou iho. 14 Eita hoi e maerehia; o Satani hoi tei faahua melahi atoa ia'na iho no te maramarama. 15 E ere hoi i te mea maere rahi, ia faahua tavini tana mau tavini no te parau-tia; e faaauhla to ratou hopea i ta ratou ohipa. 16 Teie ā ta'u parau, Eiaha roa te hoē taata e mana'o ia'u e e maamaa; te mana'o ra e e maamaa, e faaoromai mai ia'u i te maamaa nei, ia arue iti noa na vau. 17 Ta'u hoi e parau nei, aore hoi au e parau mai te mea e au i te Fatu ra, mai te mea rā e parau maamaa noa, i te parau arue nei. 18 E e rave rahi tei arue i te tino nei, e arue atoa hoi au. 19 I faaoromai tia outou i te manana, te paari ra hoi outou iho. 20 Te faaoromai ra hoi outou, ia haafaa mai te hoē ia outou, e ia pau outou i te hoē, e ia haru mai hoi te hoē, e ia faateitei te hoē ia'na iho, e ia moto mai hoi te hoē i to outou mata. 21 No taua faaino ra, e te pamparu nei matou, ta'u ia e parau nei. Te mea rā i eteata 'i te hoē

taata 'tu, (te parau maamaa noa nei au,) e etacta atoa hoi au. 22 E Hebera anei ratou? oia atoa'vau. E ati Ise- ruela anei ratou? oia atoa'vau. E huai anei ratou no Aberahama? oia atoa'vau. 23 E orometua anei ratou na te Mesia? (te parau maamaa noa nei au) e hau'vau; e rahi ta'u ohipa i rave, e rahi hoi te papairahia, e rahi hoi te *tas* i roto i te tapeama, e rave rahi hoi te pohe. 24 A pae a'enei o'u papairahia e te ati Iuda, taitoru ahuru taiiva tihapa, i te papaira koé. 25 A toru o'u papairahia i te raau, hoé o'u tui- roahia i te ofai, e toru o'u pauraa i te pahii parari, hoé o'u rui hoé hoi no i raro i te moana. 26 E rave rahi te haerea, e te ati i te pape tahe, e te ati i te udná eia, e te ati i te taata i to'u iho fenua, e te ati i te etene, e te ati i roto i te oire, e te ati i te medebara, e te ati i te miti, e te ati i rotopu i te mau caeae haavare ra; 27 te rohirohi e te opa, e te araraa e rave rahi, te porori e te poihá, e te haapaamaa ma e rave rahi, te toctoe e te veve: 28 e ore hoi o te mau mea ana'e i rapae au ra, o te peapea rá i roohia noa mai ai au i te mau mahana atoa nei, i te faaitoitó i te mau ekalesia atoa ra. 29 O vai tei paruparu e aore au i paruparu? o vai tei rurori e aore au i amá? 30 E arue á vau e tia 'i, e arue au i te mau mea no to'u nei paruparu. 31 O te Atua, te Metua o to tatou Fatu ra o Iesu Mesia, tei ia'na te maitai mure ore ra, o tei ite ia e aore au i haavare. 32 Na te tavana a Areta Arii ra i tuu i Damaseko i te tia i te oire a to Damaseko rá, hinaaro i te haru ia'u: 33 e i tuuhia vau i raro na roto i te haamaramama na te pae aua i roto i to hinaí, ora 'tura vau i to'na rima.

Te oaoa nei Paulo i to'na pohe, no te mea ua itoa te mana o te Mesia i reira.

12 E ERE mau rá te mea tia ia'u ia arue. E i te orama ra vau o i te parau i faaitehia mai e te Fatu ra. 2 Ua ite au i te hoé taata i roto i te Mesia, hoé a'enei ahuru matahiti o maha tiabapa, (aore au i ite e, i roto i te tino, aore hoi au i ite e, aore i roto i te tino; o te Atua tei ite;) i hopoi-roahia tana taata ra i nia i te ra'í tua toru ra. 3 Ua ite hoi au i tana taata ra, (aore au i ite e, i roto i te tino, aore hoi au i ite e, aore i roto i te tino: o te Atua tei ite;) 4 e i hopohia oia i nia i paradaiio, e na faaroo i te parau, eita roa e tia i te taata nei ia parau. 5 Mai te reira te huru e arue ia vau ta'na; aea ia'u iho eita ia vau e arue, maori rá i to'u nei paruparu. 6 Ahiri rá vau i hinaaro i te arue, e ore au e riro ei maamaa; o te parau mau hoi ta'u e

parau: te faacoromai nei rá vau, o te teitei hua hoi to te tabi taata mana'o ia'u i ta'na i ite ia'u nei, e ta'na hoi i faaroo ia'u nei ra. 7 E ia ore au ia teitei rahi hua i te rahi o tei faaitehia mai ia'u ra, i tuuhia mai te hoé tara i roto i tau tino nei, e melahi na Satani ei haavi mai ia'u, i'g ore au ia teitei rahi hua. 8 E e toru hoi a'u aniraa 'tu i te Fatu i taua mea ra, ia faataa-hia ia'u. 9 Ua parau maira rá oia ia'u, To'u nei maitai ntiro ia ta oe: ei te paruparu e taa maitai roa i to'u puai. E teie nei, e mea caoa ia ia'u te arue i to'u nei paruparu, ia vai maite te puai o te Mesia i nia ia'u nei. 10 E teie nei, o mea tia ia'u te paruparu, e te faaino, e te ati, e te hamani ino, e te ahoaho i te Mesia nei: ia paruparu hoi au ra, te puai ra ia vau i reira. 11 Ua riro anei au ei maamaa i teie nei aruara? no outou ia, o outou hoi te haamaitai mai ia'u e tia 'i: aore roa hoi au i mairi i muri i te mau aposetolo rarahi ra, fau- faa ore noa 'i au nei. 12 I rave-mau-hia hoi te tapao aposetolo i roto ia outou na, ma te faacoromai rahi, e te tapao, e te piri, e te ohipa puai. 13 Eaha hoi te mea i toe ia outou i te mau ekalesia ra, maori o vau aore i faateimaha ia outou? e faaore mai i taua hapa na'u ra. 14 Inaha, o te toru teie o to'u in- ineraa e haere atu ia outou na; e e ore á vau e faateimaha ia outou: aore hoi au i titau i ta outou, o outou rá ta'u i titau: e ore hoi te tamarii e haaputu i te tao'a na te metua, o te metua rá e haaputu na te tamarii. 15 E ua tia roa ia'u i te faahope i to'u puai e ia hope roa i te outou varua ia ora; iti noá to'u arubahia mai i te rahi o to'u aroha ia outou.

16 Na reira noa 'tu, aore au i faatei- maha ia outou; te parau ra rá ratou, no te paari ra to'u, noaa ihora outou ia'u i te haavare. 17 E faufaa anei ta'u i noaa ia outou i te hoé i te feia ta'u i tono atu ia outou? 18 Ua faaue au ia Tito e ua: tono atoa 'tu vau i te hoé taae; e faufaa anei ta Tito i noaa ia outou na? e ere anei hoé á o matou aau? e ere anei hoé á o matou haerea? 19 Te mana'o na outou e te faatia faa- hou nei matou ia matou iho ia outou na? te parau nei matou i ta te Mesia i maia i te aro o te Atua: te rare nei rá matou i te mau mea atoa nei, e au mau here, ia maitai outou. 20 Te mäta'u nei rá vau, o te roohia 'tu outou e au ia haere atu vau ra, o te ore o te au i ta'u e hinaaro nei, e o te riro hoi au mai tei oro i hinaarohia e outou na: penela'e te vai na te mārō, e te feii, e te tairoiro, e te avau, e te ohumu, e te parau riiri, e te faaahaaha, e te aué: 21 o te faa- haehaa tau Atua ia'u, ia tae fuahou

atu vau i roto ia outou na, o te oto hoi au i te feia i harahia na e rave rahi, e aita i tatarahapa i te parau faufau, e te faaturi, e te tiaâ, i ravehia e ratou ra.

Te a'o atura Paulo i te feia i mdrô i te parau ino, e te haamahanahana ra i te mau taee.

13 O TE toru hoi teie i to'u haereraa 'tu ia outou na. Tei te vaha o na ite toopiti e tootoru ra e riro ai te mau parau atoa na ei parau mau. 2 I parau na vau ia outou i mutaa iho, e te parau faahou atu nei au, o te piti ia, mai te mea tei ô na vau, taa ê noa 'i nei, e te papai nei au i te parau i te feia i hara na, e te tahi pae au atoa ra, e ia tae faahou atu vau, e ore au e faaherehere: 3 o outou hoi i titau mai i te ite, e te parau nei te Mesia ia'u nei, aita hoi oia i paruparu i roto ia outou na, te puai na râ i roto ia outou. 4 I faasataurohia â hoi oia no te paruparu, te ora ra râ oia i te mana o te Atua. Te paruparu atoa nei hoi matou i roto ia'u, e ora râ matou e oia atoa i te mana o te Atua i roto ia outou na. 5 E imi maite ia outou iho i to outou faaroo; e hi'opoa maite ia outou iho. Aita outou iho i ite, e e ere outou i te feia tia-ore-hia mai, tei roto

ia Iesu Mesia ia outou? 6 Te mana'o nei râ vau e, e ite outou e e ere matou i te feia tia-ore-hia mai. 7 E teie nei, te pure nei au i te Atua ia ore roa outou ia rave i te ino; e ere râ ia itea e ua tiahia matou, ia rave râ outou i te parau maitai ra, ia riro noa 'tu â matou mai te mea ite-ore-hia mai. 8 Aita roa e mea e tia ia matou ei faaore i te parau mau, aea ei faatia i te parau mau. 9 Ia paruparu hoi matou e ia puai outou, te ocoa nei matou i reira: e te pure atoa nei hoi matou, ia tia roa outou. 10 I papai atu ai hoi au i teie nei mau parau i te atea ê nei, ia ore au ia rave u'ana 'tu ia tae atu i pihai iho, i te mana hoi a te Fatu i horoa mai ia'u nei ia maitai, e ere hoi ia pohe. 11 E te hopea o la'u nei parau, e au mau taee, ia ora na. Ia maitai â, ia mahahanahana roa, ia hoê â aau, e parahi ma te hau; e tia ia te Atua no'a te aroha, e te hau i rotopu ia outou. 12 E aroha outou ia outou iho i te hô'i mo'a ra. 13 Te aroha nei te feia mo'a atoa ia outou. 14 Ei ia outou atoa na te aroha mau a te Fatu ra a Iesu Mesia, e te hinaaro o te Atua, e te au a te Varua Maitai ra. Amene.

TE EPISETOLE A TE APOSETOLO RA A PAULO I TO GALATIA RA.

Te maere nei Paulo i te mea ratou i faarua vave ia'na e te evanelia na'na ra.

1 PAULO, e aposetolo, (e ere râ i ta te taata, e ere hoi i ta te taata haapaoraa, i ta Iesu Mesia râ, e te Atua Metua, o tei faatia mai ia'na mai te pohe maira;) 2 e te mau taee atoa i o'u nei, i te mau ekalesia i Galatia na: 3 ei ia outou te aroha mau, e te hau no ô mai i te Atua Metua ra, e no to tatou Fatu hoi no Iesu Mesia, 4 o tei horoa ia'na iho ei tusia i ta tatou nei hara, ia ora tatou ia'na i teie nei ao ino, o tei au ia i te Atua; ta to tatou Metua i hinaaro. 5 Ei ia'na te haamaitai e a muri e a muri noa 'tu. Amene.

6 Te maere nei au ia outou i taa'ê vave i tei haamau ia outou i te aroha mau o te Mesia, i te evanelia ê; 7 e ere ra i te tahi evanelia, te vai na râ tei haapeapea ia outou, e tei hinaaro i te ruri ê i te evanelia o te Mesia. 8 Ia a'o atu râ matou, eiaha 'tu ia, o te tahi

melahi no te ra'i mai, ia a'o atu ia outou i te evanelia maori râ i tei a'ohia 'tu e matou ia outou na, ia riro ia oia ei anatema. 9 Mai ta matou â hoi i parau a'enei, e teie hoi au a parau faahou. Ia a'o atu te hoê i te evanelia ia outou, maori râ i tei fariihia e outou na, ia riro ia oia ei anatema. 10 Te titau nei anei au i te ite a te taata i teie nei, e ta te Atua anei? e te titau nei anei au ia rearea te taata nei? ahiri hoi te faarearea nei â vau i te taata, e ere ia vau i te tavini no te Mesia i reira.

11 E faaita atu ra vau ia outou, e au mau taee, i te evanelia i a'ohia e au ra e ere ia i ta te taata nei. 12 Aore hoi ia i noaa ia'u i te taata, aore hoi au i haapiihia mai, e mea heua mai râ e Iesu Mesia. 13 Ua ite hoi outou i ta'u haapaoraa i mutaa iho i te parau a te ati Iuda ra, e e hamani ino hau ê to'u i te ekalesia o te Atua, e pau a'era ia ia'u. 14 E hau atura hoi au i ta te ati Iuda haapaoraa i te feia atoa e rave rahi